



**NOGOMETNI/FUDBALSKI SAVEZ  
BOSNE I HERCEGOVINE**

**PROPOZICIJE**  
**takmičenja Premijer Futsal lige BiH**  
**i Futsal Kupa BiH**  
**takmičarska sezona 2025/26**

Sarajevo, septembar/rujan 2025. godine

Na osnovu člana 39. i 40. Statuta Nogometnog/Fudbalskog saveza Bosne i Hercegovine, Komitet za hitnost NS/FS BiH, na sjednici održanoj dana 03.09.2025. godine, d o n o s i

## **PROPOZICIJE**

### **takmičenja Premijer futsal lige BiH**

### **za takmičarsku sezonu 2025/26**

#### **OPŠTE ODREDBE**

##### **Član 1.**

Ovim Propozicijama utvrđuje se način rukovođenja i organizovanja takmičenja Premijer futsal lige Bosne i Hercegovine za takmičarsku sezonu 2025/26.

#### **UČESNICI TAKMIČENJA**

Učesnici u takmičenju Premijer futsal liga Bosne i Hercegovine za takmičarsku sezonu 2025/26 na osnovu rezultata ostvarenih u takmičarskoj sezoni 2024/25 su ekipe:

1. FC Borac
2. MNK Buba Mara
3. HMNK Rama
4. FC Mostar SG
5. Futsal Klub Akademac
6. FC Salines
7. GFC Sarajevo
8. MNK Sloga
9. Futsal klub Željezničar
10. KMF Brod

Popuna Premijer futsal lige BiH vrši se sa prvakom iz NS Federacije BiH i prvakom FS Republike Srpske, koji ispunjavaju uslove za takmičenje u Premijer futsal ligi BiH.

Na kraju takmičarske sezone iz lige ispadaju 2 (dva) najslabije plasirana kluba.

##### **Član 2.**

Takmičenjem Premijer futsal liga BiH rukovodi Komitet za takmičenje NS/FS BiH, u saradnji sa Službom za takmičenje i suđenje NS/FS BiH.

##### **Član 3.**

Sve utakmice Premijer futsal lige BiH igraju se u pravilu subotom i nedeljom, sa početkom utakmice između 16:00 i 21:00 sati.

Utakmice koje se ne igraju u dane vikenda, igraju se u pravilu srijedom, sa početkom utakmice između 18:00 i 21:00 sati.

##### **Član 4.**

Takmičenje se odigrava u dva dijela.

**Prvi dio:** Dvokružnim bod sistemom ( $9 + 9 = 18$  kola), a raspored utakmica određuje se žrijebom takmičarskih brojeva uz primjenu Bergerove tablice.

**Drugi dio:** Play off

**Play off:** Doigravanje u kojem igra 8 (osam) najbolje plasiranih klubova. Prvoplasirani klub igra sa osmoplasiranim klubom s pravom domaćinstva u prvoj i eventualnoj trećoj utakmici, drugoplasirani klub igra sa sedmoplasiranim klubom s pravom domaćinstva u prvoj i eventualnoj trećoj utakmici, trećeplasirani klub igra sa šestoplasiranim klubom s pravom domaćinstva u prvoj i eventualnoj trećoj utakmici, dok četvrtoplasirani klub igra sa petoplasiranim klubom s pravom domaćinstva u prvoj i eventualnoj trećoj utakmici.

Utakmice  $\frac{1}{4}$  i  $\frac{1}{2}$  finala se igraju na dvije dobijene utakmice, a finale na tri dobijene utakmice, s

tim da se u slučaju neriješenog rezultata, u bilo kojoj pojedinačnoj utakmici, igraju produžeci dva puta po pet minuta, a ukoliko i tada bude neriješen rezultat, pobjednik se određuje izvođenjem kaznenih udaraca prema postupcima za dobivanje pobjednika utakmice ili doigravanja iz Pravila igre za Futsal.

Parovi utakmica doigravanja utvrđuju se shodno sljedećem rasporedu i to:

**¼ Finala:** 1. (prvi) i 8. (osmi), 2. (drugi) i 7. (sedmi), 3. (treći) i 6. (šesti) te 4. (četvrti) i 5. (peti);

**½ Finala:** 1. ili 8. (pobjednik prvi ili osmi) protiv 4. ili 5. (pobjednik četvrti ili peti) i 2. ili 7. (pobjednik drugi ili sedmi) protiv 3. ili 6. (pobjednik treći ili šesti);

**Finala:** pobjednik prvog para 1. ili 8. (pobjednik prvi ili osmi) protiv 4. ili 5. (pobjednik četvrti ili peti), te pobjednik drugog para 2. ili 7. (pobjednik drugi ili sedmi) protiv 3. ili 6. (pobjednik treći ili šesti).

Tokom doigravanja u ¼ finala, ½ finala i finalu, bolje plasirani klub iz prvog dijela prvenstva (18. kola) zadržava pravo domaćinstva u prvoj, trećoj i eventualnoj petoj utakmici.

#### **Član 5.**

Pored utvrđenih opštih uslova za učešće u takmičenju Premijer futsal lige BiH klubovi moraju posjedovati odgovarajuće posebne uslove koji se ogledaju u sljedećem:

- da posjeduju rješenje i licencu da dvorana u cjelosti ispunjava uslove koju izdaje Ad hoc stručna komisija koju mogu sačinjavati predstavnik Komiteta za takmičenje NS/FS BiH, Komiteta za stadione i bezbjednost NS/FS i Službe za takmičenja i suđenje NS/FS BiH;
- da su izvršili registraciju igrača i stručnog osoblja u nadležnom registracionom ili kantonalnom/županijskom/područnom savezu.
- da posjeduju određena materijalno-finansijska sredstva i da imaju konstituisane svoje organe unutar kluba.
- da imaju potpisan ugovor o korištenju sale u terminima u kojima igraju utakmice kao domaćini, po kalendaru takmičenja.

### **ORGANIZACIJA TAKMIČENJA**

#### **Član 6.**

Sve utakmice takmičenja Premijer futsal liga BiH igraju se prema Pravilima futsal igre koje je utvrdio međunarodni BOARD.

#### **Član 7.**

Takmičenje Premijer futsal liga BiH provodi se u prvom dijelu po dvostrukom bod sistemu, a u drugom dijelu doigravanje - završnica, prema kalendaru takmičenja NS/FS BiH, koga na prijedlog Komiteta za takmičenje NS/FS BiH, usvaja Izvršni odbor NS/FS BiH.

Raspored odigravanja prvenstvenih utakmica vrši se žrijebom kojim rukovodi Komitet za takmičenje NS/FS BiH. Žrijebanje vrši Komitet za takmičenje NS/FS BiH po Bergerovim tablicama, abecednim redom imena klubova.

Klub koji ne bude imao predstavnika na žrijebanju parova će snositi disciplinsku odgovornost.

#### **Član 8.**

Utvrđeni raspored takmičenja, odnosno promjena termina ili mjesta odigravanja utakmice, može se vršiti na osnovu podnesenog pismenog zahtjeva zainteresovanog kluba Komitetu za takmičenje NS/FS BiH, koji treba da sadrži razlog zbog kojeg se traži promjena termina uz priloženu pismenu dokumentaciju iz koje se može utvrditi njegova opravdanost, kao i eventualni prijedlog za novi termin.

Pismeni zahtjev za promjenu termina odigravanja utakmice klub je dužan podnijeti najkasnije u roku od 8 (osam) dana od dana utvrđenog termina odigravanja po rasporedu utakmica putem Službe za takmičenje NS/FS BiH.

U slučaju kada zahtjev za promjenu termina odigravanja utakmice nije podnesen u predviđenom roku iz stava 2. ovog člana, klub je dužan dostaviti i pismenu saglasnost drugog kluba (protivnika) za promjenu termina odigravanja utakmice, a najkasnije u roku od 3 (tri) dana od dana utvrđenog termina utakmice.

Odluku o zahtjevu kluba za promjenu termina utakmice iz stavka 1. i 2. ovog člana donosi Komitet za takmičenje NS/FS BiH, s tim da se kod donošenja odluke moraju imati u vidu odredbe članova 16. i 17. Pravilnika o nogometnim/fudbalskim takmičenjima BiH.

Odluka Komiteta za takmičenje NS/FS BiH je konačna i ona se dostavlja zainteresiranim

klubovima i ostalim sudionicima takmičenja.

Klubovi u takmičenju Premijer futsal lige BiH imaju pravo na izmjenu rasporeda odigravanja određenih prvenstvenih utakmica ukoliko daju 2 (dva) i više igrača u "A" reprezentaciju BiH.

## **ORGANIZACIJA UTAKMICE**

### **Član 9.**

Klub domaćin je obavezan obavijestiti gostujuću ekipu o tačnom terminu i mjestu (dvorani) odigravanja utakmice, najkasnije 72 sata prije odigravanja utakmice, inače će snositi disciplinske posljedice.

Gostujući klub je obavezan pravovremeno obavijestiti domaći klub o vremenu dolaska u mjesto, odnosno ispred dvorane u kojoj se igra utakmica.

Klub domaćin je obavezan poduzeti sve potrebne mjere za sigurnost sudija, delegata i gostujuće ekipe, po dolasku, za vrijeme odigravanja utakmice i sve do napuštanja dvorane i mjesta odgovarajućim prevoznim sredstvom.

Prisustvo policije je obavezno 60 minuta prije početka utakmice, pa sve do napuštanja svih aktera sa mjesta takmičenja.

Klub domaćin je obavezan na svim prvenstvenim i kup utakmicama osigurati prisustvo policije, ljekara, kao i vozilo za hitnu medicinsku pomoć ovlaštene ustanove (doma zdravlja, hitne pomoći), rukovodioca bezbjednosti i dovoljan broj redara.

Ukoliko delegat utvrdi da je klub domaćin preduzeo sve potrebne radnje (prijavu), kako bi se izvršila obaveza iz stava 5. ovog člana, prisustvo policije, ljekara i vozila hitne pomoći, a isti ne budu na raspolaganju do početka utakmice, ista neće započeti sve dok se ne osiguraju zadani uslovi, a najkasnije 15 minuta od zakazanog početka utakmice.

U slučaju da se u tom roku ne ispune uvjeti iz stava 5. ovog člana, utakmica se neće igrati.

Klub domaćin obavezan je obezbjediti nosila i osobe za iznošenje povrijeđenih igrača izvan terena za igru.

Klub domaćin je obavezan obezbjediti mjerioca vremena i najmanje jednu osobu za čišćenje terena.

### **Član 10.**

Sve utakmice Premijer futsal lige BiH igraju se obavezno u dvorani koja je licencirana/primljena od strane nadležne komisije NS/FS BiH.

Klubovi su dužni 15 (petnaest) dana prije početka takmičenja prijaviti Službi za takmičenje NS/FS BiH, dvoranu i alternativnu dvoranu, termin odigravanja utakmica, boje i rezervne boje opreme u kojoj će nastupati, kao i rješenje o registraciji kluba.

### **Član 11.**

Za odigravanja utakmica Premijer futsal lige BiH klub domaćin obavezan je obezbjediti tri (3) ispravne lopte. Karakteristike lopte moraju biti prema Pravilu 2. Pravila futsal igre.

### **Član 12.**

Dva posljednja prvenstvena kola prvog dijela Premijer futsal lige BiH, igraju se istog dana i u isto vrijeme.

### **Član 13.**

Za vrijeme odigravanja prvenstvenih utakmica u tehničkom prostoru ekipe na klupi se mogu nalaziti slijedeće službene osobe:

- predstavnik licenciran od strane NS/FS BiH (obavezan, obučen u odijelo s košuljom ili službenu trenerku kluba),
- trener licenciran od strane NS/FS BiH (obavezan, obučen u odijelo s košuljom ili službenu trenerku kluba),
- pomoćni trener licenciran od strane NS/FS BiH (obučen u odijelo s košuljom ili službenu trenerku kluba),
- ljekar licenciran od strane NS/FS BiH (obavezan na klupi domaćina),
- fizioterapeut licenciran od strane NS/FS BiH u sportskoj opremi,
- zamjenski igrači (najmanje 3, najviše 9) (obučeni u sportsku opremu sa markerima koje daju igraču kojeg mijenjaju u igri).

Uz ogradu između klupa za zamjenske igrače, a izvan terena za igru mogu se još nalaziti:

- zapisnički sto sa mjeriocem vremena

- ljekar uz vozilo hitne pomoći (u slučaju da klub nema licenciranog doktora), vozač kola za hitnu pomoć, fotoreporter i snimatelji s odgovarajućim oznakama, potreban broj redara/zaštitara vidljivo obilježениh
  - 2 osobe za nosila (sa markerima)
  - osoba za čišćenje terena za igru
  - ukoliko je potrebno dodavači lopte obučeni u opremi različite boje od svih učesnika.
- Svaki klub mora odrediti službenu osobu koja će ga predstavljati na utakmici.

Sva službena lica klubova moraju imati validne licence evidentirane u Comet sistemu (treneri, predstavnik kluba, doktor i fizioterapeut). Po završenom procesu licenciranja, službena lica klubova moraju biti registrovana u Comet-u od strane Službe za takmičenje NS/FS BiH, odnosno Centra za edukaciju kada su u pitanju treneri.

Validnost evidentiranih licenci i identitet lica mogu kontrolisati samo subjekti koji su ih izdali i delegat na utakmici. Identitet osoba iz zapisnika utvrđuje se na osnovu fotografije iz Comet-a.

Takmičenje se administrativno vodi kroz COMET informacijski sistem. Klub domaćin obavezan je da delegatu utakmice stavi na raspolaganje računar sa priključkom na internet i printer. Klubovi su dužni da najkasnije 60 minuta prije početka utakmice, dostave delegatu na propisanom obrascu, spisak igrača i službenih lica koja će nastupati na utakmici. Sve osobe, igrači i službena lica, sa dostavljenog propisanog obrasca za utakmicu, moraju biti licencirane od strane NS/FS BiH i registrovana u Comet-u.

Obrazac mora biti ovjeren i potpisan od zvaničnog predstavnika kluba. Klubovi koji nemaju 8 (osam) igrača u zapisniku sa utakmice snosiće disciplinske sankcije. U slučaju da sistem Comet nije u funkciji, vođenje zapisnika sa utakmice se radi ručno, na za to propisanom obrascu, a naknadno će delegat u sistemu Comet napraviti zapisnik. Ručni zapisnik piše se u četiri primjerka i potpisuju ga delegat, sudija i predstavnici klubova.

Osobe sa spiska prijavljenih lica koje nisu registrovane u Comet-u, za funkciju koju obavljaju na utakmici, i/ili im validna licenca nije unešena u Comet, ne mogu se nalaziti u tehničkom prostoru, osim zamjenskih igrača za koje važe odredbe člana 23. Propozicija takmičenja.

Klub podliježe disciplinskim sankcijama ukoliko u zapisniku sa utakmice nema službenog predstavnika i trenera.

Samo jedna osoba može stajati u tehničkom prostoru i davati upute igračima za vrijeme, a kretanje trenera ili jedne od službenih osoba dozvoljeno je samo unutar označenog tehničkog prostora označenog linijama, shodno Pravilu 1. Pravila futsal igre. Igrači se mogu zagrijavati u prostoru za zagrijavanje koji određuje sudija utakmice, a prema Pravilu 3. Pravila Futsal igre.

Prilikom jednogminutnog odmora dopušteno je igračima koji su u tom trenutku igrali sjesti na klupu za zamjenske igrače uz službene osobe dok svi zamjenski igrači moraju ostati unutar tehničkog prostora.

#### **Član 14.**

Klub domaćin dužan je obezbijediti odvojeno područje na tribinama u dvorani (najmanje 5 % ukupnog kapaciteta dvorane) za gostujuće navijače, te u slučaju očekivanja ili najave većeg broja navijača gostujućeg kluba izdvojiti posebnu blagajnu za taj sektor gledališta.

Gostujući klub dužan je najmanje 48 sati prije utakmice obavijestiti klub domaćin o načinu i organizaciji dolaska većeg broja navijača.

Za nered ili izgrede koji se dogode u dijelu dvorane koji je rezervisan za gostujuće navijače, gostujući klub ima objektivnu odgovornost te podliježe disciplinskim sankcijama.

#### **Član 15.**

Klubovi su odgovorni za ponašanje svojih igrača, službenih osoba, članova, navijača i svake druge osobe koja obavlja dužnost na utakmici u ime kluba.

#### **Član 16.**

Klub domaćin je obavezan na svim utakmicama postaviti na jarbole: državnu zastavu Bosne i Hercegovine, zastavu NS/FS BiH, a mogu se postaviti klupske, entitetske zastave, zastave županija/kantona, zastava fairplaya. Istaknute zastave moraju biti istih dimenzija.

Postavljanje drugih zastava nije dozvoljeno, a u slučaju njihovog postavljanja, klub će snositi disciplinske sankcije po članu 58. Disciplinskog pravilnika NS/FS BiH.

Promocija ili objava političkih poruka ili bilo kojih drugih političkih djelovanja unutar ili u neposrednoj blizini dvorane na bilo koji način, strogo je zabranjena uoči, tokom ili nakon završetka

utakmice.

Klub domaćin obavezan je na svim prvenstvenim utakmicama istaknuti baner „Premijer Futsal liga BiH“, koji obezbjeđuje NS/FS BiH.

Klub domaćin dužan je osigurati prostoriju za provođenje doping kontrole opremljenu radnim prostorom za doping doktora i minimalno četiri mjesta za igrače.

#### **Član 17.**

Klub domaćin obavezan je neovisnoj snimateljskoj kompaniji, koju ovlasti NS/FS BiH, omogućiti adekvatne uslove za snimanje utakmice.

Također, TV kompaniji koja vrši direktni prijenos utakmice, klub domaćin je dužan osigurati punu sigurnost za opremu i zaposlene, za vrijeme i nakon završetka utakmice, u objektu stadiona.

#### **Član 18.**

Svaka dvorana mora imati moderan semafor da pruži gledaocima, igračima i službenim osobama tačne informacije koje se odnose na:

- imena obje ekipe,
- preostalog vremena u bilo kojem periodu igre, odbrojavanje u minutama, sekundama i desetinkama sekunde od 20.00.0 do 0.00.0,
- preostalo vrijeme kazne koje se izdržava, zbog isključenja igrača ili dva igrača iz obje ekipe, odbrojava se od 02.00-0.00.0,
- rezultat ,
- time-outa, odbrojava se od 01.00.0-0.00.0,
- akumulirane prekršaje.

U slučaju neispravnosti semafora u dvorani klub domaćin je dužan obezbjeđiti stolni elektronski pokretni semafor ili stolni ručni semafor (npr. odbojka, stolni tenis itd.) i ručnu štopericu.

Klub domaćin je obavezan u dvorani obezbjeđiti oficijelni razglas za najavu sastava ekipa, igrača koji su postigli pogotke, saopštenja u vezi sa organizacijom utakmica i sl.

Nije dozvoljeno u dvorani koristiti dupli razglas i puštanje neprimjerene muzike.

### **TEREN ZA IGRU**

#### **Član 19.**

Prvenstvene utakmice Premijer Futsal lige BiH mogu se igrati samo u dvorani koja zadovoljava propisane uslove iz Pravila 1. Pravila Futsal igre.

Da li su dvorana i podloga za igranje nepodobni za igru zbog nepripremljenosti podloge ili zbog nečega drugog, što spada u višu silu odlučuju sudija koji je određen za suđenje utakmice. Izvještaj o nepodobnosti dvorane – terena za igru, preko delegata, sudija dostavlja Službi za takmičenje NS/FS BiH.

#### **Član 20.**

Na terenu za igru za vrijeme odigravanja utakmice zabranjen je bilo koji oblik reklamiranja ukoliko prethodno nije prijavljen i odobren.

### **ORGANIZACIONI SASTANAK**

#### **Član 21.**

Klub domaćin dužan je osigurati prostoriju za radni sastanak – brifing, službenih osoba i predstavnika klubova, koji će se održati šezdeset (60) minuta prije početka utakmice pod rukovodstvom delegata na utakmici, a kojem obavezno prisustvuju:

- delegat,
- treći sudija,
- službeni predstavnici klubova,
- mjerilac vremena,
- rukovodilac bezbjednosti kluba domaćina,
- predstavnik MUP-a.

U slučajevima kada to ocijeni potrebnim, delegat može zatražiti da sastanku prisustvuju i rukovoditelji pojedinih službi i organa uključenih u organizaciju utakmice.

Komitet za takmičenje NS/FS BiH, u slučaju potrebe, a posebno kod utakmica visokog rizika, može odrediti da se sastanak službenih osoba i predstavnika klubova održi prije utvrđenog vremena iz stava 1. ovog člana.

Na sastanku se obavlja provjera svih obavljenih zadataka u pripremi za odigravanje utakmice koji proizlaze iz odredbi Pravilnika o nogometnim/fudbalskim takmičenjima, Propozicija futsal takmičenja, Odluke o bezbjednosti na futsal utakmicama, Zakona o javnom okupljanju, te ostalih Odluka IO NS/FS BiH.

#### **Član 22.**

Klub domaćin dužan je osigurati prostoriju za eventualnu konferenciju za novinare 15 minuta po završetku utakmice, kojoj obavezno prisustvuju licencirani treneri obje ekipe, te po jedan igrač iz svake ekipe koji je nastupio na utakmici.

### **PRAVO NASTUPA IGRAČA**

#### **Član 23.**

Na prvenstvenim utakmicama mogu nastupiti igrači koji su stekli pravo igranja prema odredbama Pravilnika o registracijama klubova i igrača i statusu i transferu igrača NS/FS BiH, ukoliko su navršili 17 godina života, kao i igrači koji su navršili 16 godina, ali sa obaveznom specijalističkim ljekarskim pregledom koji nadležni registracioni savez unosi u Comet, na osnovu dokaza o obavljenom specijalističkom ljekarskom pregledu, dostavljenom od strane kluba, sa jasno naznačenim rokom trajanja istog, a kojim se oglašava sposobnim za nastupanje na utakmicama seniorskog uzrasta. Rok trajanja ljekarskog pregleda određuje se u skladu sa članom 56. Pravilnika o nogometnim/fudbalskim takmičenjima BiH.

Na prvenstvenim utakmicama nemaju pravo nastupa igrači koji se nalaze pod suspenzijom, kaznom zabrane igranja i automatskom kaznom zbog tri opomene.

Obaveza klubova je da su dužni voditi evidenciju javnih opomena, shodno članu 19. Disciplinskog pravilnika NS/FS BiH.

Klub Premijer Futsal lige BiH treba za utakmicu prijaviti minimalno 8 (osam) prisutnih, registrovanih igrača za nastup u sportskoj opremi, koji se upisuju u zapisnik sa utakmice.

Ekipa koja nema minimalno 8 (osam) igrača u zapisniku snosiće disciplinske sankcije.

Utakmica ne može započeti sa manje od pet (5) igrača. Minimalan broj igrača jedne od ekipa na terenu za igru su 3 (tri) igrača da bi se utakmica završila. Igrači koji nemaju pravo nastupa na toj utakmici ne računaju se u navedenih potreban broj igrača.

Na utakmicama Premijer Futsal lige BiH klubovi su obavezni u zapisnik sa utakmice prijaviti najmanje 2 (dva) igrača mlađa od 21 godine (rođeni 01.01.2004. god. i mlađi), sa obaveznom prisustvom u opremi na klupi u tehničkom prostoru.

Ekipa koja ne bude imala u zapisniku minimalno dva igrača mlađa od 21 godine snosiće takmičarske i disciplinske posljedice.

Svaki klub u takmičenju Premijer Futsal lige BiH obavezan je utakmicu igrati sa svojom najboljom ekipom.

### **IDENTITET IGRAČA**

#### **Član 24.**

Na prvenstvenim utakmicama mogu nastupiti samo igrači čiji je identitet utvrđen putem fotografije iz Comet sistema, a u slučaju da Comet nije u funkciji, identitet će se utvrditi na osnovu javne isprave: lične karte ili pasoša, odnosno štampane ID Comet kartice. Igraču sa neadekvatno pohranjenom fotografijom u Cometu (kada je nemoguće utvrditi identitet), delegat utakmice neće dozvoliti nastup na utakmici.

Identitet se u pravilu utvrđuje prije početka utakmice.

Za igrače koji su zakasnili na početak utakmice, odnosno na početak drugog dijela, a upisani su u zapisnik sa utakmice, identitet se utvrđuje za vrijeme odmora između dva dijela igre i neposredno po završetku utakmice.

#### **Član 25.**

Pravo nastupa igrača stranih državljana regulisano je odredbama Pravilnika o registracijama klubova i igrača i statusu i transferu igrača NS/FS BiH. Klub može imati više registrovanih igrača stranih državljana, s tim što 3 (tri) igrača strana državljanina mogu biti upisani u zapisnik sa utakmice i imaju pravo nastupa na jednoj utakmici. U suprotnom, klub snosi takmičarske i disciplinske posljedice.

Stranim državljanima u smislu prava nastupa ne smatraju se igrači koji imaju državljanstvo bilo koje od država koje su se nalazile u sastavu bivše SFRJ (Sjeverna Makedonija, Srbija, Crna Gora, Hrvatska i Slovenija) ali za iste ostaju obaveze u skladu odredbama člana 18. Pravilnika o

registracijama klubova i igrača i statusu i transferu igrača NS/FS BiH.

Igrač koji je upisan u zapisnik utakmice, smatra se da na utakmici nije nastupio ukoliko nije ušao u igru.

Igrač kome je istekla boravišna dozvola nema pravo nastupa, a ako nastupi klub snosi takmičarske i disciplinske sankcije.

Igrač koji nije upisan u COMET sistem ne može nastupiti na utakmici.

## **LJEKARSKI PREGLED I ČLANARINA**

### **Član 26.**

Svaki igrač koji nastupa u takmičenju mora u Comet-u imati unesen period važenja lješkarskog pregleda i period za koji je uplaćena članarina. Obavljeni lješkarski pregled mora sadržavati obavezujuće elemente koje je propisao Komitet za sportsku medicinu NS/FS BiH. Dokaze o izvršenom lješkarskom pregledu igrača, klubovi su dužni dostaviti u registracioni savez koji će iste unijeti u dokumenta kluba.

Rok valjanosti lješkarskog pregleda za igrače koji na dan izvršenog pregleda imaju najmanje 17 (sedamnaest) i više godina života traje 6 (šest) mjeseci, a za mlađe igrače 4 (četiri) mjeseca.

Igraču koji nema unesen važeći lješkarski pregled u Comet, delegat utakmice neće dozvoliti nastup na utakmici.

### **Član 27.**

Na svim prvenstvenim utakmicama može biti prijavljeno do devet (9) zamjenskih igrača prema Pravilima Futsal igre, shodno Pravilu 3. (broj zamjena igrača u igri nije ograničen).

Igrač registrovan za veliki nogomet/fudbal u jednom danu može nastupiti na dvije utakmice, i to isključivo na dvije utakmice futsala ili na jednoj utakmici futsala i jednoj utakmici velikog nogometa/fudbala.

## **OPREMA EKIPA**

### **Član 28.**

Klubovi Premijer futsal lige BiH dužni su Službi za takmičenje i suđenje NS/FS BiH najmanje 15 dana prije početka prvenstva, u pismenoj formi prijaviti osnovnu i rezervnu boju dresova u kojima će nastupati.

Klubovi nastupaju u prijavljenoj boji sportske opreme na utakmici.

Ako je sportska oprema identične boje, domaćin prvoimenovani klub će promijeniti dresove u različitu boju od protivnika. Klubovi koji gostuju su dužni poštovati osnovnu boju domaćina, a ukoliko je ne poštuju snosit će disciplinske sankcije.

Vratar mora nositi dres ili majicu koji se vidno bojom razlikuje od dresova njegovih saigrača, igrača protivničke ekipe i sudija.

Igrač leteći vratar je obavezan imati isti dres kao vratar utakmice ali sa svojim brojem upisanim u zapisniku sa utakmice.

Brojevi na dresovima moraju odgovarati onima na popisu igrača u zapisniku sa utakmice, prema Pravilu 4. (oprema igrača) Pravila Futsal igre.

Klubovi su obavezni osigurati markere različitih boja od sportske opreme za zamjenske igrače, koje uručuju igraču koji izlazi iz igre prilikom zamjene.

Ako gostujući klub nema markere, domaćin će mu posuditi.

Klub domaćin obavezan je za foto - reportere obezbijediti vidljive oznake koje su oni obavezni nositi za vrijeme utakmice, ali različite boje u odnosu na markere ekipa.

## **DELEGAT NA UTAKMICI**

### **Član 29.**

Delegata na utakmici određuje Komitet za takmičenje NS/FS BiH sa liste delegata koja je utvrđena za Premijer futsal ligu BiH za takmičarsku sezonu 2025/26.

Delegat mora doći u dvoranu sedamdesetpet (75) minuta prije početka utakmice.

Delegat na utakmici zastupa rukovodstvo takmičenja, kontrolira ispravnost nastupa igrača, organizuje utakmicu u svim njenim segmentima, dostavlja izvještaj o utakmici i ima vrhovni nadzor nad utakmicom.

Delegat na utakmici svoju dužnost dužan je obavljati u skladu sa Uputstvom o vršenju

dužnosti delegata na utakmicama Premijer futsal lige BiH.

Delegat utakmice je obavezan zapisnik voditi putem Comet-a, isti sravniti sa sudijom, koji će izvještaj u Comet-u zaključiti sa svojom šifrom.

Delegat je svoj izvještaj putem Comet-a dužan sačiniti i zaključiti 24 sata poslije utakmice, a spisak igrača i najavu javnog skupa unijeti u dokumenta.

### **Član 30.**

Delegat na utakmici u saradnji sa ostalim službenim licima (sudijama utakmice), dužan je voditi računa o pravilnom i tačnom unošenju podataka u zapisniku sa utakmice.

U slučaju da na utakmicu ne dođe određeni delegat, dužnost delegata će obaviti treći sudija.

### **Član 31.**

Za svaku prvenstvenu utakmicu obavezno se sačinjava zapisnik o odigranoj utakmici putem Comet sistema, a klub domaćin obavezan je delegatu utakmice staviti na raspolaganje printer i računar sa internet konekcijom. Ukoliko nema mogućnosti da se zapisnik sačini putem Comet-a, isti je potrebno uraditi ručno, a potpisuju ga delegat, sudija i službeni predstavnici ekipa.

Delegat je dužan na sve delegirane utakmice doći u odijelu sa košuljom i kravatom.

## **KOORDINATOR ZA BEZBJEDNOST**

### **Član 32.**

Na utakmicama na kojima je potrebno prisustvo koordinatora za bezbjednost NS/FS BiH, istog određuje Komitet za stadione i bezbjednost NS/FS BiH, a nakon obavljenih konsultacija sa Komitetom za takmičenje NS/FS BiH i Izvršnim direktorom sektora za takmičenje, suđenje i događaje NS/FS BiH.

Uloga i obaveze koordinatora za bezbjednost definisane su Uputstvom koje donosi Komitet za stadione i bezbjednost NS/FS BiH.

## **SUDIJE / SUCI I POSMATRAČ SUĐENJA**

### **Član 33.**

Komitet za sudije i suđenje NS/FS BiH određuje sudije za utakmice sa liste sudija za futsal. Utakmicu sude trojica sudija. Na dvije bočne strane terena po jedan, dok se treći sudija nalazi pored zapisničkog stola. Sudije su dužne doći u dvoranu 60 minuta prije vremena predviđenog za početak utakmice, pregledati teren za igru prema članu 1. i 2. Pravila Futsal igre. Ako sudije ustanove da je teren nepodoban za igru i da se utakmica ne može igrati, dužni su svoju odluku saopštiti delegatu na utakmici koji će o tome sačiniti izvještaj i obavijestiti Komitet za takmičenje NS/FS BiH.

Sudije su dužne na sve delegirane utakmice doći u sportskoj opremi NS/FS BiH.

Komitet za sudije i suđenje NS/FS BiH utakmice PFL BiH određuje posmatrače suđenja sa liste posmatrača za takmičarsku sezonu 2025/26.

### **Član 34.**

Sudija utakmice obavezan je sa delegatom pregledati i usaglasiti zapisnik sa utakmice i zaključiti ga svojom šifrom u Comet sistemu.

Sudije utakmice dužne su za učinjene prekršaje od strane igrača, službenih lica i drugih sportskih radnika ili pojedinca koji svojim djelovanjem čine disciplinski prekršaj prije, u toku i po završetku utakmice, podnijeti prijavu protiv učinilaca prekršaja Disciplinskoj komisiji NS/FS BiH.

## **ANTIDOPING KONTROLA**

### **Član 35.**

Klub domaćin dužan je osigurati prostoriju za provođenje antidoping kontrole. Prostoriju sačinjavaju:

- prostorija za čekanje, koja mora biti opremljena hladnjakom sa dozvoljenim pićima i čašama za piće,
- prostorija s radnom površinom za popunjavanje obrazaca i rad sa uzorkom.

Pristup prostorijama i lokacija prostora za provođenje doping kontrole trebaju biti jasno označene natpisom „DOPING KONTROLA“.

## **ZABRANA NASTUPA**

### **Član 36.**

Suspendovana ekipa ne može nastupiti na prvenstvenoj ili kup utakmici sve dok traje suspenzija.

## **ŽALBA**

### **Član 37.**

Žalbe na utakmicu podnose se Komitetu za takmičenje NS/FS BiH koji ih rješava u prvom stepenu.

Žalbe se moraju najaviti e-mailom, ili faksom u roku od 24 sata od dana odigravanja utakmice. Obrazloženje žalbe mora se dostaviti, putem e-maila, pošte ili telefaksa sa dokazom o uplaćenju taksi u roku od 48 sati od dana odigravanja utakmice.

Za utakmice posljednja dva kola prvenstva, žalbe se najavljuju i dostavljaju u roku od 2 (dva) dana od dana odigravanja utakmice.

Ukoliko rok za žalbu ističe u nedjelju ili na državni praznik, isti se produžava na prvi slijedeći radni dan.

Odluke o žalbama na utakmice donose se najkasnije u roku od četrnaest (14) dana od dana prijema žalbe, odnosno pet (5) dana ukoliko se radi o žalbi na utakmicu odigranu u posljednja dva kola prvenstva.

## **TAKSA NA ŽALBU**

### **Član 38.**

Visinu takse na žalbe utvrđuje Izvršni odbor NS/FS BiH posebnom odlukom.

Taksa se vraća podnosiocu samo ukoliko se žalba u potpunosti usvoji.

### **Član 39.**

Nenajavljene, neblagovremene ili neuredno taksirane žalbe neće biti uzete u razmatranje, nego će biti odbačene, a utakmica će biti registrovana postignutim rezultatom.

Pri ocjeni pravovremenosti žalbe uzima se u obzir datum prijema e-maila, datum na poštanskom žigu preporučenog pisma ili, datum na faks potvrdi o odašiljanju žalbe telefaksom ili datum na novčanoj uplatnici.

### **Član 40.**

Žalbe protiv odluka Komiteta za takmičenje podnose se Apelacionoj komisiji NS/FS BiH u roku od osam (8) dana od prijema pismene odluke.

Za utakmice dva posljednja kola rok za podnošenje žalbe je tri (3) dana. Žalba se podnosi putem Komiteta za takmičenje čija se odluka žalbom pobija.

Odluke po žalbama protiv odluka Komiteta za takmičenje donosi Apelaciona komisija NS/FS BiH najkasnije u roku od osam (8) dana, a o žalbama podnijetim na utakmice posljednja dva kola u roku od tri (3) dana od dana prijema žalbe.

Protiv odluke Apelacione komisije ne može se uložiti žalba, ali se može uložiti vanredni pravni lijek Izvršnom odboru NS/FS BiH, u skladu sa odredbama člana 77. Pravilnika o nogometnim/fudbalskim takmičenjima.

## **REGISTRACIJA UTAKMICE**

### **Član 41.**

Ako na utakmicu nije uložena žalba, a ne postoje razlozi za registraciju utakmice po službenoj dužnosti sa 3:0 (par forfe), utakmica će se registrovati postignutim rezultatom.

Odigrane utakmice registruje Komitet za takmičenje NS/FS BiH na svojoj narednoj sjednici. Izuzetno, Komitet za takmičenje NS/FS BiH registraciju odigranih utakmica može izvršiti putem e-maila, telefona ili faksa.

Jednom registrovana utakmica ne može biti poništena od strane Komiteta za takmičenje NS/FS BiH, ako je odluka postala pravosnažna ili je u drugom stepenu donesena konačna odluka, osim u postupku po uloženom vanrednom pravnom lijeku predviđenim članom 77. Pravilnika o nogometnim/fudbalskim takmičenjima.

## **UTVRĐIVANJE PLASMANA**

### **Član 42.**

Plasman klubova na tabeli utvrđuje se prema odredbama člana 43. Pravilnika o nogometnim/fudbalskim takmičenjima NS/FS BiH.

### **Član 43.**

Ako iz bilo kojih razloga u toku takmičenja u takmičarskoj sezoni 2025/26 ostane upražnjeno jedno ili više mjesta, Premijer Futsal liga BiH se neće popunjavati.

## **DISCIPLINSKA NADLEŽNOST**

### **Član 44.**

O disciplinskim prekršajima klubova, igrača, članova stručnog i tehničkog rukovodstva i funkcionera klubova i službenih lica na utakmici koji učestvuju u takmičenju, odlučuje se na osnovu Disciplinskog pravilnika NS/FS BiH.

Drugostepene odluke po disciplinskim prekršajima su konačne.

U interesu regularnosti takmičenja nadležni organ može utvrditi i skraćeni žalbeni postupak.

## **FINANSIJSKE ODREDBE**

### **Član 45.**

Prihodi sa prvenstvenih utakmica od prodaje ulaznica i marketinških aktivnosti pripadaju klubu domaćinu.

### **Član 46.**

Službenim licima na utakmici pripadaju odgovarajuće naknade (putni troškovi i takse), u skladu sa odlukom Izvršnog odbora NS/FS BiH. Isplata se vrši putem Sektora za ekonomske poslove NS/FS BiH.

## **TV PRENOS**

### **Član 47.**

Prvenstvene utakmice Premijer Futsal lige BiH mogu se direktno prenositi putem televizije, a televizijski prenos utakmice može se realizovati samo na osnovu sporazuma televizije i NS/FS BiH ili kluba, odnosno nekog drugog organizatora utakmice kojem je NS/FS BiH prenio ovlaštenje za organizaciju utakmice te ovlaštenje za ustupanje TV prava posebnim pisanim aktom. Prvenstvene utakmice klubova Premijer Futsal lige BiH mogu se prikazivati kao reportaže ili snimke na televiziji.

### **Član 48.**

Klubovi učesnici takmičenja obavezuju se poštovati odredbe Propozicija takmičenja za Premijer Futsal ligu BiH, Odluke IO NS/FS BiH i odluke organa takmičenja i načela FairPlay-a.

## **NAGRADE**

### **Član 49.**

Prvoplasirani klub prvenstva Premijer Futsal lige BiH osvaja prelazni pehar NS/FS BiH na kome se upisuje njegovo ime i godina osvajanja prvenstva.

Pored prelaznog pehara NS/FS BiH prvoplasiranom klubu dodjeljuje pehar u trajno vlasništvo i 25 zlatnih medalja.

Igrači, tehničko i stručno rukovodstvo drugoplasiranog kluba dobivaju 25 (dvadeset pet) srebrenih medalja.

Pehar u trajno vlasništvo dodjeljuje se najboljem klubu u Fair play-u na osnovu tabele koju vodi Služba za takmičenje NS/FS BiH.

### **Član 50.**

Na sve što nije predviđeno ovim Propozicijama primjenjivat će se odredbe Pravila Futsal igre, Odluke Međunarodnog BORD-a, Pravilnika o nogometnim/fudbalskim takmičenjima NS/FS BiH te ostalih važećih relevantnih propisa NS/FS BiH, FIFA-e i UEFA-e.

## **ZAVRŠNE ODREDBE**

Izvršni odbor NS/FS BiH ovlašten je da daje uputstva za primjenu ovih Propozicija.

### **Član 51.**

Propozicije stupaju na snagu danom donošenja, a primjenjuju se za takmičarsku sezonu 2025/26.

**PREDSJEDNIK**

**Vico Zeljković**

Na osnovu člana 39. i 40. Statuta Nogometnog/Fudbalskog Saveza Bosne i Hercegovine, Komitet za hitnost Nogometnog/Fudbalskog saveza BiH, na sjednici održanoj 03.09.2025. godine  
d o n o s i

## **PROPOZICIJE**

### **takmičenja završnog dijela Kupa BiH u Futsalu za takmičarsku sezonu 2025/26**

#### **OPŠTE ODREDBE**

##### **Član 1.**

Ovim Propozicijama utvrđuje se način rukovođenja i organizovanja završnog dijela Kupa Bosne i Hercegovine u Futsalu.

#### **UČESNICI I ORGANIZACIJA TAKMIČENJA**

##### **Član 2.**

U Kupu Bosne i Hercegovine u Futsalu učestvuje 16 (šesnaest) klubova i to:

- 10 klubova iz Premijer Futsal lige BiH;
- 4 kluba iz Nogometnog saveza Federacije BiH;
- 2 kluba iz Fudbalskog saveza Republike Srpske.

Utakmice 1/8 finala završnog dijela Kupa BiH u Futsalu se igraju po jednostrukom kup sistemu, a domaćin utakmice se određuje žrijebom.

Utakmice ¼ finala završnog dijela Kupa BiH u Futsalu se igraju po jednostrukom kup sistemu, a domaćin utakmice se određuje žrijebom.

FINAL FOUR ekipa (Utakmice polufinala i finala) Kupa BiH se igraju po jednostrukom kup sistemu, a parovi se određuju žrijebanjem.

Mjesto FINAL FOUR-a se bira između prijava učesnika završnice koje se moraju podnijeti najkasnije do 01.03.2026. godine, a odluka o mjestu odigravanja donosi se putem žrijeba, koji vrši Komitet za takmičenje NS/FS BiH.

Izuzetno od prethodnog stava, ako se ni jedna od ekipa učesnica završnice Kupa BiH ne prijavi za organizaciju FINAL FOUR-a do 01.03.2026. godine, polufinalne utakmice će se odigrati po jednostrukom kup sistemu uz određivanje kluba domaćina putem žrijeba, a finale Kupa BiH će se odigrati po dvorstrukom kup sistemu, a putem žrijeba će se odrediti domaćin odigravanja prve utakmice.

Prilikom određivanja vremena početka utakmice Kupa BiH u Futsalu klubovi domaćini moraju voditi računa da se utakmice igraju s početkom utakmice između 18:00 i 20:00 sati.

#### **RUKOVOĐENJE TAKMIČENJEM**

##### **Član 3.**

Takmičenjem rukovodi Komitet za takmičenje NS/FS BiH, u saradnji sa Službom za takmičenje i suđenje NS/FS BiH, i utvrđuje način žrijebanja klubova, a kalendar takmičenja usvaja Izvršni odbor NS/FS BiH.

Klub koji ne bude imao predstavnika na žrijebanju parova snosi disciplinsku odgovornost.

#### **PRAVILA IGRE**

##### **Član 4.**

Utakmice se igraju po Pravilima Futsal igre.

#### **DELEGAT**

##### **Član 5.**

Komitet za takmičenje NS/FS BiH određuje delegata utakmice koji je svoju dužnost dužan obavljati u skladu sa Uputstvom o vršenju dužnosti delegata na utakmicama Premijer futsal lige BiH.

## **SUDIJE**

### **Član 6.**

Komiteta za sudije i suđenje NS/FS BiH određuje sudije utakmice sa liste sudija za Futsal. Utakmice sude trojica sudija i to na dvije bočne strane po jedan, dok se treći sudija nalazi kod zapisničkog stola.

Sudije su dužne doći u dvoranu 60 minuta prije vremena predviđenog za početak utakmice i pregledati teren za igru prema članovima 1. i 2. Pravila Futsal igre.

## **TEREN**

### **Član 7.**

Utakmice završnog dijela Kupa Bosne i Hercegovine u Futsal u igraju se u sportskim dvoranama licenciranim za odigravanje Futsal utakmica.

## **ORGANIZACIJA UTAKMICA**

### **Član 8.**

Organizaciju utakmica vrše klubovi domaćini, koji su obavezni obezbijediti sve uslove u skladu sa važećim propisima.

Zapisnik sa utakmice radi se elektronskim putem u COMET sistemu.

Organizaciju finalnih utakmica u saradnji sa klubom domaćinom vrši NS/FS BiH.

## **PRAVO NASTUPA**

### **Član 9.**

Pravo nastupa na utakmicama završnog dijela Kupa BiH u Futsal u imaju igrači koji ispunjavaju uslove za nastup koji su propisani Pravilnikom o nogometnim/fudbalskim takmičenjima NS/FS BiH, Pravilnikom o registracijama klubova i igrača i statutsu i transferu igrača NS/FS BiH i Propozicijama Premijer Futsal lige BiH, a u skladu sa članovima 23., 24. i 26. Propozicija takmičenja Premijer futsal lige BiH.

## **UTVRĐIVANJE PLASMANA**

### **Član 10.**

U slučaju identičnog rezultata u završnici Kupa BiH u Futsal u, shodno članu 45. Pravilnika o nogometnim/fudbalskim takmičenjima NS/FS BiH, izvode se udarci sa tačke od šest metara kojim se dobija pobjednik, a prema Pravilima Futsal igre (po 5 udaraca).

## **ŽALBE**

### **Član 11.**

Žalbe na odigrane utakmice dostavljaju se u pisanoj formi, u roku od 24 (dvadeset četiri) sata po završetku utakmice.

Žalba protiv prvostepene odluke podnosi se drugostepenom organu iz člana 40. ovih Propozicija, u roku od 48 (četrdeset osam) sati od prijema odluke.

Visinu takse na žalbe utvrđuje Izvršni odbor NS/FS BiH posebnom odlukom.

Taksa se vraća podnosiocu žalbe isključivo ako je žalba u potpunosti usvojena.

## **NAGRADE**

### **Član 12.**

Pobjednik Kupa Bosne i Hercegovine u Futsal u dobiva prelazni pehar i pehar u trajno vlasništvo, a igrači, tehničko i stručno rukovodstvo 25 (dvadesetpet) zlatnih medalja.

Igrači, tehničko i stručno rukovodstvo drugog finaliste dobivaju 25 (dvadesetpet) srebrenih medalja.

Službena lica utakmice (sudije, delegat, posmatrač i koordinator za bezbjednost) dobivaju ukupno 12 (dvanaest) zlatnih medalja iz dvije finalne utakmice.

## **ZAVRŠNE ODREDBE**

### **Član 13.**

Za sve što nije predviđeno ovim Propozicijama, važe odredbe Pravilnika o nogometnim/fudbalskim takmičenjima NS/FS BiH, Pravila Futsal igre i drugih važećih relevantnih propisa NS/FS BiH, FIFA-e i UEFA-e.

### **Član 14.**

Propozicije stupaju na snagu danom donošenja, a primjenjuju se za takmičarsku sezonu 2025/26.

**P R E D S J E D N I K**

**Vico Zeljković**

Broj: 02 - 2930 -3/25  
Datum: 03.09.2025. godine

Komitet za hitnost Nogometnog/Fudbalskog saveza Bosne i Hercegovine, na osnovu člana 39. i 40. Statuta Nogometnog/Fudbalskog saveza BiH, na prijedlog Komiteta za takmičenje NS/FS BiH, na sjednici održanoj 03.09.2025. godine, d o n o s i

### **O D L U K U**

#### **o Kalendaru takmičenja Premijer Futsal lige BiH i Kupa BiH u Futsal, takmičarska sezona 2025/26**

#### **JESENJI DIO**

|                               |                                                                                                                         |                                                                                                                                                                                                                        |  |
|-------------------------------|-------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------|--|
| <b>Septembar/<br/>Rujan</b>   | <b>15. - 24.09.2025.</b><br><br>27/28.09.2025.                                                                          | <b>INTERNACIONALNI TERMIN</b><br><br>1. kolo Premijer futsal lige BiH                                                                                                                                                  |  |
| <b>Oktobar/<br/>Listopad</b>  | 04/05.10.2025.<br>11/12.10.2025.<br><b>13. - 22.10.2025.</b><br>25/26.10.2025.                                          | 2. kolo Premijer futsal lige BiH<br>3. kolo Premijer futsal lige BiH<br><b>INTERNACIONALNI TERMIN</b><br>4. kolo Premijer futsal lige BiH                                                                              |  |
| <b>Novembar/<br/>Studen</b>   | 01/02.11.2025.<br><b>08. - 09.11.2025.</b><br>15/16.11.2025.<br><b>19.11.2025.</b><br>22/23.11.2025.<br>29./30.11.2025. | 5. kolo Premijer futsal lige BiH<br><b>INTERNACIONALNI TERMIN</b><br>6. kolo Premijer futsal lige BiH<br><b>KUP BiH u futsalu - 1/8 finala</b><br>7. kolo Premijer futsal lige BiH<br>8. kolo Premijer futsal lige BiH |  |
| <b>Decembar/<br/>Prosinac</b> | 06/07.12.2025.<br><b>15. - 24.12.2025.</b>                                                                              | 9. kolo Premijer futsal lige BiH<br><b>INTERNACIONALNI TERMIN</b>                                                                                                                                                      |  |

**PROLJETNI DIO**

|                             |                            |                                                                                |  |
|-----------------------------|----------------------------|--------------------------------------------------------------------------------|--|
| <b>Januar/<br/>Siječanj</b> | 10/11.01.2026.             | 10. kolo Premijer futsal lige BiH                                              |  |
|                             | 17/18.01.2026.             | 11. kolo Premijer futsal lige BiH                                              |  |
|                             | <b>21.01.- 08.02.2026.</b> | <b>UEFA EVROPSKO PRVENSTVO U FUTSALU</b>                                       |  |
| <b>Februar/<br/>Veljača</b> | 14/15.02.2026.             | 12. kolo Premijer futsal lige BiH                                              |  |
|                             | 21/22.02.2026.             | 13. kolo Premijer futsal lige BiH                                              |  |
|                             | <b>25.02.2026.</b>         | <b>KUP BiH u futsalu - 1/4 finala</b>                                          |  |
|                             | 28.02./01.03.2026.         | 14. kolo Premijer futsal lige BiH                                              |  |
| <b>Mart/Ožujak</b>          | 07/08.03.2026.             | 15. kolo Premijer futsal lige BiH                                              |  |
|                             | 14/15.03.2026.             | 16. kolo Premijer futsal lige BiH                                              |  |
|                             | 21.03.2026.                | 17. kolo Premijer futsal lige BiH                                              |  |
|                             | 28.03.2026.                | 18. kolo Premijer futsal lige BiH                                              |  |
| <b>April/Travanj</b>        | <b>02. - 04.04.2026.</b>   | <b>KUP BiH U FUTSALU FINAL FOUR (ILI UTAKMICE POLUFINALA 05.04.)</b>           |  |
|                             | <b>06. - 15.04.2026.</b>   | <b>INTERNACIONALNI TERMIN</b>                                                  |  |
|                             | 18.04.2026.                | Prve utakmice četvrtfinala play offa                                           |  |
|                             | 22.04.2026.                | Druge utakmice četvrtfinala play offa                                          |  |
|                             | 25.04.2026.                | Treće/a utakmice četvrtfinala play offa                                        |  |
|                             | <b>29.04.2026.</b>         | <b>Prva utakmica finala KUPA BiH u futsalu (Ukoliko se ne igra FINAL FOUR)</b> |  |
|                             |                            |                                                                                |  |

|                    |                    |                                                                                 |  |
|--------------------|--------------------|---------------------------------------------------------------------------------|--|
| <b>Maj/Svibanj</b> | 03.05.2026.        | Prve utakmice polufinala play offa                                              |  |
|                    | 06.05.2026.        | Druge utakmice polufinala play offa                                             |  |
|                    | 09.05.2026.        | Treće/a utakmice polufinala play offa                                           |  |
|                    | <b>13.05.2026.</b> | <b>Druga utakmica finala KUPA BiH u futsalu (Ukoliko se ne igra FINAL FOUR)</b> |  |
|                    | 16.05.2026.        | Prva utakmica finala play offa                                                  |  |
|                    | 20.05.2026.        | Druga utakmica finala play offa                                                 |  |
|                    | 23.05.2026.        | Treća utakmica finala play offa                                                 |  |
|                    | 27.05.2026.        | Četvrta utakmica finala play offa                                               |  |
|                    | 30.05.2026.        | Peta utakmica finala play offa                                                  |  |

**P R E D S J E D N I K**

**Vico Zeljković, s.r.**